

Ахр зәнъгс

☆ Пхеньянд 1960 джилд КНДР болн Чехословак хоёран хоорнд эд-таврар сольцхин болн үнийн данъцахин туск протоколд гар тэвгдв. Эн протоколд ирлцүлдж онъгтā болн хāтār металл, тер мет тāmк болн нанъчигн эд-тавр КНДР-д Чехословак өгхмн. Чехословак КНДР-д болхла электростанцин оборудованъс, станокс, химическ эд-тавр болн эм өгхмн.

☆ Финляндин журналистирин союз болн киношалгачнр сән гисн чүрвн финск фильмд Юсси гидг мōрā өгād, тер мет газадин ордудин сән гисн 12 фильмсд, терүнā тоод советск гурвн фильмсд, («Дом в котором я живу», «Иван Грозный» 2-ч серий болн «Чужие дети») ачта дин-томс өгв.

☆ Нордлингин шидрт (ФРГ) деед германя бундесверин реактивн ист-ребитель - бомбардировщик хамхрв. «Франфуртер Альгемейне» гидг газетин зәнъгллгъār болхла, пилотнъ парашютар буудж ирдж, самолетнъ ундж йовад хагърдж оч.

☆ Софийд Левскийин нертā стадион деер советск футболн команд «Локомотив» (Москва), Болгарск футболн команд «Локомотив» (София) х о й р и н х о о р н д үүрлгч харгълдан болв. Шүрүтā болн чинвртā наадн кенā чигн бишār 1: гисн тоогъар тōгсв.